



DEKLARACIJA O NULTOJ STOPI TOLERANCIJE NA KORUPCIJU U FEDERALNOJ AGENCIJI ZA UPRAVLJANJE ODUZETOM IMOVINOM

Direktor Federalne agencije za upravljanje oduzetom imovinom,

Pozivajući se na međunarodne konvencije, instrumente i mehanizme, a naročito na Konvenciju Ujedinjenih naroda protiv korupcije (UNCAC), Konvencije Vijeća Evrope o pranju, traganju oduzimanju i privremenom oduzimanju prihoda stečenih krivičnim djelom i o finansiranju terorizma (CETS-198) i druge relevantne konvencije Vijeća Evrope, Konvenciju OECD protiv podmićivanja i GRECO mehanizam praćenja, kao i Strategiju za borbu protiv korupcije BiH 2024-2028. i Akcioni plan za provođenje Strategije,

Poštujući principe vladavine prava, princip jedinstvene i globalne vizije u prevenciji i suzbijanju pojave korupcije, princip usklađenosti, koordinacije i saradnje, princip odgovornosti, princip kontinuiteta provedbe sistemskih aktivnosti u borbi protiv korupcije, princip proaktivne transparentnosti, princip efikasnosti, princip nediskriminacije i poštivanja prava i sloboda građana,

Naročito promovišući i zastupajući princip nulte tolerancije na korupciju u Federalnoj agenciji za upravljanje oduzetom imovinom u budućem zajedničkom radu i doprinosu zaštiti zakonitosti, kao i zaštiti javnog interesa,

Uzimajući u obzir teret institucionalnog naslijeđa i neodložnu potrebu za iskazivanjem opredjeljenja za dostizanje najviših standarda etike, profesionalizma, integriteta i kredibiliteta,

Prioritetno orijentiran prema izgradnji i jačanju povjerenja u Agenciju kroz interne i vanjske sistemske antikoruptione aktivnosti, mehanizme i projekte,

Shvatajući doseg društveno-ekonomske štete kojom prijete rasprostranjena korupcija u domaćim okvirima, a štiteći dostojanstvo i ugled uposlenika Agencije u osjetljivim i rizičnim područjima institucionalnog djelovanja,

Odjeljujući i odričući se svih oblika i modaliteta isporuke javnog dobra za privatne koristi, te osuđujući čin davanja i primanja poklona i/ili protivusluge za profesionalan rad i profesionalnu obavezu,

Oslanjajući se na efikasne mehanizme saradnje sa nadležnim policijskim organima i tužilaštvima,


Tražeci podršku za proaktivno otkrivanje, neselektivno i učinkovito procesuiranje korupcije od svih odgovornih društvenih aktera i saveznika, naročito građana, medija, nevladinih i međunarodnih organizacija, poziva na sistemske korake, konsolidovano antikorupcijsko djelovanje i općedruštveni nadzor prevashodno u funkciji:

- jačanja profesionalnog integriteta, kulture etike i transparentnosti, te razvoja etičke svijesti,

- djelotvornog procesuiranja i kažnjavanja krivičnih djela korupcije, te oduzimanja nezakonito stečene imovine,

- strateških ciljeva jačanja kapaciteta institucija, efikasnog upravljanja sukobom interesa, etičnog poslovanja u privatnom i javnom sektoru, odgovornog upravljanja javnim finansijama, participativne demokratske kulture društva i antikorupcijske edukacije.

Federalna agencija za upravljanje oduzetom imovinom, pod ovim rukovodstvom, izražava nultu toleranciju na korupciju i snažno osuđuje koruptivne aktivnosti na svim nivoima vlasti i u svim oblastima javnog djelovanja, podržavajući antikorupcijske napore organa za provedbu zakona i pristupajući provedbi i uspostavi efektivnih antikorupcijskih mehanizama.



DIREKTOR
Emir Bašić
Emir Bašić

Broj: 01-02-03-1096/25
Sarajevo, 22.12.2025.godine